

呂祖全書

乙巳仲冬
萬德至善社
重刊

呂祖全書卷之四

文集中

今體詩間有借韻者今為註出

五言律十六首

以下五言律此首以弟四句借韻

悟了長生理。秋蓮處虎開。金童登錦帳。

玉女下香階。虎嘯天魂住。龍吟地魄來。

有人明此道。立便返嬰孩。

又

姹女住南方。身邊產太陽。蟾宮烹玉液。

坎戶煉瓊漿。過去神仙餌。今來到我嘗。

一盃延萬紀。物外任翱翔。

又末句借韻

頓悟黃芽理。陰陽稟自然。乾坤爐裏煉。

日月鼎中煎。木產長生汞。金烹續命鉛。
世人明此道。立便返童顏。

又

宇宙產黃芽。經爐煅作砂。陰陽烹五彩。
水火煉三花。鼎內龍降虎。壺中龜遣蛇。
功成歸物外。自在樂煙霞。

又
三韻
並用

要覓長生路。除非認本元。都來一味藥。

剛到全唐數千般。丹鼎烹成汞。爐中煉就鉛。

依時服一粒。白日上沖天。

又

姹女住瑤臺。仙花滿地開。金苗從此出。

玉蕊自天來。鳳舞長生曲。鸞歌續命盃。
有人明此道。海變已千回。

又

古往諸仙子。根元占甲庚。水中聞虎嘯。
火裡見龍行。進退窮三候。相吞用八絃。
冲天功行滿。寒暑不能爭。

又

我悟長生理。太陽伏太陰。離宮作離一生白王。
坎一作陰戶產黃金。要主君臣義。須存子母心。

九重神室內。虎嘯與龍吟。

又首句借韻

靈丹產太虛。九轉入重爐。浴就紅蓮顆。

燒成白玉珠。水中鉛一兩。火內汞三銖。
喫了瑤臺寶。升天任海枯。

又

姹女住離宮。身邊產雌雄。爐中七返畢。
鼎內九還終。悟了魚投水。迷因鳥在籠。
老年服一粒。立地變冲童。

又
並二韻用

盜得乾坤祖。陰陽是本宗。天魂生白虎。
地魄產青龍。運寶泥丸住。搬精入上宮。
有人明此法。萬載貌如童。

又

要覓金丹理。根元不易逢。三才七返足。

四象九還終。浴就微微白。燒成漸漸紅。
一丸延萬紀。物外去冲冲。

又三韻
並用

個個覓長生。根元不易尋。要貪天上寶。
須棄一作世間珍。煉就水中火。燒成陽內陰。

祖師親有語。一味水中金。

又第二句
借韻

萬物皆生土。如人得本元。青龍精是汞。
白虎水爲鉛。悟者子投母。迷應地是天。
將來物外客。個個補丹田。

又

二十四神清。三千功行成。寒雲連地轉。

聖日滿天明。玉子偏宜種。金丹豈在耕。
此中真妙理。誰道不長生。

又

妙妙妙中妙。佺佺佺更佺。動言俱演道。
語默盡神仙。在掌如珠異。當空似月圓。
他時功滿後。直入大羅天。

明胎息

第一句
借韻

密室靜存神。陰陽重一筋。煉成離女液。
嚙盡一作咽坎男津。漸變逍遙體。超然自在身。
更修功業滿。旌鶴引朝真。

通道

通道復通佺。名留四海傳。交親一拄杖。

和氣一作活計兩空拳。要果逡巡種。思茶逐旋煎。

豈知來混世。不久却回天。

贈薛道士全唐作贈士江州太平觀道士

落拓音薛高道一作士。年高無白髭。雲中閒卧一作卧石。山

裏冷一作去雪尋碑。誇我飲一作喫大酒。嫵嫌人說一作念小詩

。不知甚麼漢。一任輩流嗤。

長沙示僧全唐占作

非神亦非仙。非術亦非幻。天地有終窮。

桑田幾遷變。身固非我有。財亦何足戀。

曷不從吾遊。騎鯨騰汗漫。

贈在園劉廷璣

弱水三千里。憑虛一問君。開樽休說劍。

剪燭好論文。春意含梅萼。風威銷凍雲。
從今與子約。慎莫暫相分。

七言律詩一百七首

借首句韻

周行獨力出羣倫。默默昏昏亘古存。
無象無形潛造化。有門有戶在乾坤。
色非色際誰窮處。空不空中自得根。
此道非從它外得。千言萬語謾評論。

又

通靈一顆正金丹。不在天涯地角安。
討論窮經深莫究。登山臨水杳無看。
光明暗寄希夷頂。赫赤高居混沌端。
舉世若能知所寓。超凡入聖弗爲難。

又

落魄托音紅塵四十春。無爲無事信天真。

生涯只在乾坤鼎。活計惟憑日月輪。
八卦氣中潛至寶。五行光裏隱元神。
桑田改變依然在。永作人間出世人。

又

獨處乾坤萬象中。從頭歷歷運元功。
縱橫北斗心機大。顛倒南辰膽氣雄。
鬼哭神號金鼎結。雞飛犬化玉爐空。
如何俗士尋常覓。不達希夷不可窮。

又

誰信華池路最深。非遐非邇奧難尋。

九年採煉如紅玉。一日圓成似紫金。
得了永祛寒暑逼。服之應免死生侵。
勸君門外修身者。端念思惟此道心。

又

水府尋鉛合火鉛。黑紅紅黑又佺佺。
氣中生氣肌膚換。精裏含精性命專。
藥返便爲真道士。丹還本是聖胎仙。
出神入定虛華語。徒費工夫萬萬年。

又

九鼎烹煎九轉砂。區分時節更無差。
精神氣血歸三要。南北東西共一家。
天地變通飛白雲。陰陽和合產金華。

全唐
作花
終期鳳詔空中降。
跨虎騎龍謁紫霞。

又

憑君子後午前看。
一脈天津在脊端。
金闕內藏玄谷子。
玉池中坐太和官。
只將至妙三周火。
煉出通靈九轉丹。
直指幾多求道者。
行藏莫離去聲虎龍灘。

又

返本還元道氣平。
虛非形質轉分明。
水中白雪微微結。
火裏金蓮漸漸生。
聖汞論時非有體。
真鉛窮看亦無名。
吾今爲報修行者。
莫問一作非燒金問至精。

又

安排鼎竈煉玄根。進退須明卯酉門。
繞電奔雲飛日月。驅龍走虎出乾坤。
一丸因與紅顏主。駐一作九轉能燒白髮痕。
此道幽微知者少。茫茫塵世與誰論。

又

醍醐一盞詩一篇。暮醉朝吟不記年。
乾馬屢來遊九地。坤牛時駕出三天。
白龜窟裏夫妻會。青鳳巢中子母圓。
提挈靈童山上望。重重疊疊是金錢。

又

認得東西木與金。自然爐鼎虎龍吟。
但隨天地明消息。方識陰陽有信音。

左掌南辰攀鶴羽。右擎北極剖龜心。
神仙親口留斯旨。何用區區向外尋。

又

一本天機深更深。徒言萬劫與千金。
三冬大熱佗中火。六月房霜一作寒表外陰。

金爲浮來方見性。木因沈後始知心。
五行顛倒堪消息。返本還元在己尋。

又

虎將龍軍氣宇雄。佩符持甲去匆匆。
鋪排劍戟奔如電。羅列旌旗疾似風。
活捉三尸焚鬼窟。生擒六賊破魔宮。
河清海晏乾坤淨。世世安居道德中。

又

我家勤種我家田。內有靈苗活萬年。
花似黃金苞不大。子如白玉顆皆圓。
栽培全賴中宮土。灌溉須憑上谷泉。
只候九年功滿日。和根拔入大羅天。

又

尋常學道說黃芽。萬水千山覓轉差。
有畛有園難下種。無根無脚自開花。
九三鼎內烹如酪。六一爐中結似霞。
不日丹成應換骨。飛昇遙指玉皇家。

又

四六關頭路坦平。行人到此不須驚。

從教犢駕轟轟轉。儘使羊車軋軋鳴。
渡海經河稀阻滯。上天入地絕欹傾。
功成直入長生殿。袖出神珠徹夜明。

又

九六相交道氣和。河車晝夜迸金波。
呼時一一闕頭轉。吸處重重脈上摩。
電激離門光海嶽。雷轟震戶動婆娑。
思量此道真長遠。學者多迷溺愛河。

又

金丹不是小金丹。陰鼎陽爐裏面安。
盡道東山尋汞易。豈知西海覓鉛難。
佞珠窟裏行非遠。赤水灘頭去便端。

認得靈竿真的路。何勞禮月步星壇。

又

古今機要甚分明。自是衆生力量輕。
盡向有中生有質。誰能無裏見無形。
真鉛聖汞徒虛費。玉室金闕不解扃。
本色丹瓢推倒後。却吞丸藥待延齡。

又

浮名浮利兩何堪。迴首歸山味轉甘。
舉世算無心可契。誰人更與道相參。
寸猶未到甘談尺。一尚難明強說三。
經卷葫蘆并拄杖。依前擔入舊江南。

又

本來無作亦無行。行著之時是妄情。
老氏語中猶未決。瞿曇言下更難明。
靈竈有節通天去。玉至一作藥無根得地生。
今日與君無恡惜。功成只此是蓬瀛。

又

解將火種種刀圭。火種刀圭世豈知。
山上長男騎白馬。水邊少女牧烏龜。
無中出有還丹象。陰裡生陽大道基。
顛倒五行憑匠手。不逢匠手莫施爲。

又
借首韻

三千餘法論修行。第一燒丹路最親。
須是坎男端的物。取他離女自然珍。

烹成不死砂中汞。結出長生水裏銀。
九轉九還功若就。定將衰老返長春。

又

欲種長生不死根。再營陰魄與陽魂。
先教佞母歸離戶。後遣空王鎮坎門。
虎到甲邊風浩浩。龍居庚內水溫溫。
迷途爭與輕輕泄。此理須憑達者論。

又

閉戶存神玉戶觀。時來火候遞相傳。
雲飛海面龍吞汞。風擊巖顛虎伏鉛。
一旦煉成身內寶。等閒探得道中玄。
刀圭餌了丹書降。跳出塵籠上九天。

又

千日功夫不暫閒。

河清一非作車

搬載上崑山。

虎抽

拍一作非

白永安爐裏。龍發紅鉛向鼎間。

仙府記名丹已熟。陰司除籍命應還。

彩雲捧足歸何處。直入三清謝聖顏。

又

解匹真陰與正陽。三年功滿結成霜。

神龜出入庚辛位。丹鳳翱翔甲乙方。

九鼎先輝雙瑞氣。三元中換五毫光。

塵中若有同機者。共住煙霄不死鄉。

又

修生一路就中難。迷者徒將萬卷看。

水火均平方是藥。陰陽差互不成丹。
守雌勿失雄方住。抱黑無虧白自乾。
認得此般真妙訣。何憂風雨妒衰年。
一作殘。

又

纔吞一粒便安然。十二重樓九曲連。
庚龍循環餐絳雪。甲龍天矯一作非迸靈泉。

三三上應三千日。九九中延九萬年。
須得有緣方可授。未曾輕泄與人傳。

又

誰知神水玉華池。中有長生性命基。
運用須憑龍與虎。抽添全藉坎兼離。
晨昏點盡黃金粉。頃刻修成玉石脂。

齋戒餌之千日後。等閒輕舉上雲梯。

又

九天雲淨一作靜鶴飛輕。銜簡翩翩別太清。

身外紅塵隨意換。爐中白石立時成。
九苞鳳向空中舞。五色雲從足下生。
回首便歸天上去。願將甘雨濟焦氓。

又

嬰兒迤音夷邐音里降瑤階。手握玄珠直下來。

半夜紫雲披素質。幾回赤氣掩桃顛。
微微笑處機關轉。拂拂行時戶牖開。
此是吾家真一子。庸愚誰敢等閒猜。

又

才一作水得天符下玉都。三千日裡積工夫。

禱祈天地開金鼎。收拾陰陽鎖玉壺。
便覺凡軀能變化。深知妙道不虛圖。
時來試問塵中叟。這個玄機世有無。

又

誰識寰中達者人。生平解法水中銀。
一條拄杖撐天地。三尺昆吾斬鬼神。
大醉醉來眠月洞。高吟吟處傲紅塵。
自從悟裏終身後。贏得蓬壺永劫春。

又

紅爐迸濺煉金英。一點靈珠透室明。
擺動乾坤知道力。逃移生死見功程。

逍遙四海留踪跡。歸去三清立姓名。
直上五雲雲路穩。紫鸞朱鳳自來迎。

又

時人若要學長生。先是樞機晝夜行。
恍惚中間專志氣。虛無裏面固元精。
龍交虎戰三周畢。兔走烏飛九轉成。
煉出一爐神聖藥。五雲歸去路分明。

又

亦無得失亦無言。動即施功靜即眠。
驅遣赤牛耕宇宙。分張玉粒種山川。
栽培不憚勞千日。服食須知活萬年。
今日示君君好信。教君見世作神仙。

又 此詩前後雨韻降叶覃見梁鴻
適吳詩然巖與三亦不在一韻

不須兩兩與三三。
祇在崑崙第一巖。
逢潤自然情易伏。
遇炎常恐性難降。
有時直入三元戶。
無事還歸九曲江。
世上有人燒得住。
壽齊天地更無雙。

又

本末無非在玉都。
亦會陸地作凡夫。
吞精食氣先從有。
悟理歸真便入無。
水火自然成既濟。
陰陽和合自相符。
爐中煉出延年藥。
溟渤從教變復枯。

又

無名無利任優游。
遇酒逢歌且唱酬。

數載未曾經聖闕。千年惟只在仙洲。
尋常水火三回進。真個夫妻一處收。
藥就功成身羽化。更拋塵岔音粉出凡流。

又第四句借韻

杳杳冥冥莫問涯。雕蟲篆刻道之華。
守中絕學方知奧。抱一無言始見佳。
自有物如黃菊蕊。更無色似碧桃花。
休將心地虛勞用。煮鐵燒金轉轉差。

又

還丹功滿未朝天。且向人間度有緣。
拄杖兩頭擔日月。葫蘆一個隱山川。
詩吟自得閒中句。酒飲多遺醉後錢。

若問我修何妙法。不離身內汞和鉛。

又

半紅半黑道中玄。水養真金火養鉛。

解接往來

全唐詩
作年非

三寸氣。還將運動一周天。

烹煎盡在陰陽力。進退須憑日月權。

只此功成三島外。穩乘鸞鳳謁諸仙。

又

飛龍九五已升天。次第還當赤帝權。

喜遇汞珠凝正午。幸逢鉛母結重玄。

狂猿自伏何須煉。野馬親調不著鞭。

煉就一丸天上藥。頓然心地永剛堅。

又

舉世何人悟我家。我家別是一榮華。
盈箱貯積登仙籙。滿室收藏伏火砂。
頓飲長生天上酒。常栽不死洞中花。
凡流若問吾生計。遍地紛紛五彩霞。

又

津能充渴氣充糧。家住三清玉帝鄉。
金鼎煉來多外白。玉爐烹處徹中黃。
始知青帝離宮住。方信金精水府藏。
流俗要永佞妙理。叅同氣有兩三行。

又

紫詔隨鸞下玉京。元君相命會三清。
便將金鼎丹砂餌。時拂霞衣駕鶴行。

天上雙童持珮引。月中嬌女執旛迎。
此時功滿叅真後。始信仙都有姓名。

又

修修修得到乾乾。方號人間一醉仙。
世上光陰催短景。洞中花木任長年。
形飛峭壁非凡骨。神在佺宮別有天。
惟願先生頻一顧。更佺佺外問佺佺。

又

金丹一粒定長生。須得真鉛煉甲庚。
火取南方赤鳳髓。一作非水求北海黑龜精。
鼎追四季中央合。藥遣三元八卦行。
齋戒興功成九轉。定應入口鬼神驚。

又第六句
借韻

碧潭深處一真人。
貌似桃花體似銀。
鬢髮未斑緣有術。
紅顏不老爲通神。
蓬萊要去如今去。
架上黃衣化作雲。
任彼桑田變滄海。
一丸丹藥定千春。

又

誰解長生似我哉。
栽一作煉成真氣在三台。

盡知白日昇天去。
剛逐紅塵下世來。
黑虎行時傾雨露。
赤龍耕處產瓊瑰。
只吞一粒金丹藥。
飛入青霄更不回。

又

亂雲堆裏表星都。
認得深藏大丈夫。

綠酒醉眠閒。日月。白蘋風定釣江湖。
長將氣度隨天道。不把言詞問世徒。
山水路遙人不識。茅君消息近知無。

又

鶴爲車駕酒爲糧。爲戀長生不死鄉。
地脈尚能縮得短。人年豈不展教長。
星辰往往壺中見。日月時時袖裏藏。
若欲時流親得見。朝朝不離水銀行。

又

靈芝無種亦無根。解飲能餐自返魂。
但得烟霞供歲月。任他烏兔走乾坤。
嬰兒只戀陽中母。姪女須朝頂上尊。

一得不回千古內。更無塚墓示兒孫。

又首句借韻

世上何人會此言。休將名利挂心田。
等閒倒盡十分酒。遇興高吟一百篇。
物外烟霞爲伴侶。壺中日月任嬋娟。
他時功滿歸何處。直駕雲車入洞天。

又

玄門帝弟一作子坐中央。得算一作得明長感玉皇。

枕下上一作山河和雨露。笛中日月混瀟湘。

坎男會遇逢金女。離女交騰嫁木郎。

真個夫妻齊守志。立教牽惹在陰陽。

又

遙指高峰笑一聲。紅霞紫霧面前生。
每於塵市無人識。長到山中有鶴迎。
行一作時弄玉蟾驅鬼魅。夜煎金鼎煮瓊英。
他時若赴蓬萊洞。知我仙家有姓名。

又

堪笑時人問我家。杖擔雲物惹煙霞。
眉藏火電非他說。手種金蓮不自誇。
三尺焦桐爲活計。一壺美酒是生涯。
騎龍遠出遊三島。夜久無人翫月華。

又

九曲江邊坐卧看。一條長路入天端。
慶雲捧擁朝天丹一作闕。瑞氣徘徊起白煙。

鉛汞此時爲至藥。坎離今日結神丹。
功能濟命長無老。只在人心不是難。

又

玄門玄理又玄玄。不死根元在汞鉛。
知是一般真個術。調和六一也同天。
玉京山上羊兒鬧。金水河中石虎眠。
妙要能生覺本體。勤心到處自如然。

又

公卿雖貴不曾酬。說著仙鄉便去遊。
爲討石肝逢蜃音審海。因尋甜雪過瀛洲。
山川醉後壺中放。神鬼閒來匣裏收。
據見目前無個識。不如盃酒混凡流。

又

曾邀相訪到仙家。忽上崑崙宴月華。

玉女控攏蒼獬豸。稚音山童提挈白蝦蟇。

時斟海內千年酒。慣摘壺中四序花。

今在人寰人不識。看看揮袖入煙霞。

又

火種丹田金自生。重重樓閣自分明。

三千功行百旬見。萬里蓬萊一日程。

羽化自應無鬼籙。玉都長是有仙名。

今朝得赴瑤池會。九節幢幡洞裏迎。

又

因看崔公入藥鏡。令人心地轉分明。

陽龍言向離宮出。陰虎還於坎位生。
二物會時爲道本。五方行盡得丹名。
修真道士如知此。定跨赤龍歸玉清。

又

浮生不實爲輕忽。衲服身藏奇異骨。
非是塵中不染塵。焉得物外通無物。
共語難兮情兀兀。獨自行兮一作輕拂拂。
一點刀圭五彩生。飛丹走入神仙窟。

又

莫怪愛吟天上詩。蓋緣吟得世間稀。
慣餐玉帝宮中飯。曾着蓬萊洞裏衣。
馬踏日輪紅露捲。鳳銜月角擘雲飛。

何時再控青絲轡。又掉金鞭入紫微。

又

黃芽白雪兩飛金。行即高歌醉即吟。
日月暗扶君甲子。乾坤自與我知音。
精靈滅跡三清劍。風雨騰空一弄琴。
的當南遊歸甚處。莫教鶴去上天尋。

又

雲鬢雙明骨更輕。自言尋鶴到蓬瀛。
日論藥草皆知味。問著神仙自得名。
簪冷夜龍穿碧洞。枕寒晨虎卧銀城。
來春又擬携筇去。爲憶軒轅海上行。

又
如黃龍等詩皆未
遇此等之前作

龍精龜眼兩相和。丈六男兒不奈何。
九盞水中煎赤子。一輪火內養黃婆。
月圓自覺離天網。功滿方知出地羅。
半醉好吞龍鳳髓。勸君休更認彌陀。

又

強居此境絕知音。野景雖多不合吟。
詩句若喧卿相口。姓名還動帝王心。
道袍薜帶應慵挂。隱帽皮冠尚懶簪。
會音從此更無餘個事。一壺村酒一張琴。

又

音華陽山裏多芝田。華陽山叟復延年。
青松巖畔攀高幹。白雲堆裏隱飛泉。

不寒不熱神蕩蕩。東來西去氣綿綿。
三千功滿好歸去。休與時人說洞天。

又

天生不散自然心。成敗從來古與今。
得路應知能出世。迷途終是任埋沈。
身邊至藥堪攻煉。物外丹砂且細尋。
咫尺洞房仙景在。莫隨波浪沒光陰。

又
並二韻
用

自隱佗都不記春。幾回滄海變成塵。
玉京殿裏朝元始。金闕宮中拜老君。
悶即駕乘千歲鶴。閒來高卧九重雲。
我今學得長生法。未肯輕傳與世人。

又
並三韻

北帝南辰掌內觀。潛通造化暗相傳。
金槌袖裏居元宅。玉戶星宮降上玄。
舉世盡皆尋此道。誰人空裏得玄關。
明明道在堪消息。日日灘頭去又還。

又
借第二句韻

日影元中合自然。奔雷走電入中原。
長驅赤馬居東殿。大啓朱門泛碧泉。
怒拔昆吾歌聖化。喜陪孤月賀新年。
方知此是生生物。得在仁人始受傳。

又
並三韻

六龍齊駕得升乾。須覺潛通造化難。

真道每吟秋月淡。至言長運碧波寒。
畫乘白鶴遊三島。夜頂金冠立古壇。
一載已成千歲藥。誰人將袖染塵寰。

又

五岳灘頭景象新。仁人方達杳冥身。
天綱運轉三元淨。地脈通時萬物生。
自曉谷神通此道。誰能理性欲修真。
明明說向中黃路。霹靂聲中自得神。

又

欲陪仙侶得身輕。飛過蓬萊徹上清。
朱頂鶴來雲外接。紫鱗魚向海中迎。
姮娥月桂花先吐。王母仙桃子漸成。

下瞰日輪天欲曉。定知人世久長生。

又
並三韻

四海皆忙幾個閒。時人口內說塵緣。
知君有道來山上。何似無名住世間。
十二樓臺藏秘訣。五千言內隱玄關。
方知鼎貯神仙藥。乞取刀圭一粒看。

又

割斷繁華掉却榮。便從初得是長生。
曾於錦水爲蟬蛻。又向蓬萊別姓名。
三住住來無否泰。一塵塵在世人情。
不知功滿歸何處。直跨虬龍上玉京。

又

當年詩價滿皇都。掉臂西歸是丈夫。
萬頃白雲獨自有。一枝丹桂阿誰無。
閒尋渭曲漁翁引。醉上蓮峰道士扶。
他日與君同一作重際會。竹溪茅舍夜相呼。

又

金槌一作錘灼灼舞天階。獨自騎龍去又來。高卧白雲觀日
窟。閒眠秋月擘天開。離花片片乾坤產。坎藥一作藥翻翻
造化栽。晚醉九巖回首望。北邙山下骨皚皚。

又

結交常與道情深。日日隨他出又沈。
若要自通雲外鶴。直須勤煉水中金。
丹成只恐乾坤窄。餌了寧憂疾患侵。

未去瑤臺猶混世。不妨盃酒喜閒吟。

又

因携琴劍下煙蘿。何幸今朝喜暫過。
貌相本來猶自可。針醫偏更効無多。
仙經已讀三千卷。古法曾持十二科。
些小道功如不信。金階捨手試看麼。

又
二韻
並用

傾倒全唐側作華陽醉再三。騎龍遇晚下南巖。

眉因拍劍留星電。衣爲眠雲惹碧嵐。

金液變來成雨露。玉都歸去老松杉。

曾將鐵鏡照神鬼。霹靂搜尋火滿潭。

又

鐵鏡烹金火滿空。碧潭龍卧夕陽中。
麒麟意合乾坤地。獬豸機闕日月東。
三尺劍橫雙水岸。五丁冠頂百神宮。
閒鋪羽服居仙窟。自著金蓮造化功。

又

隨緣信業任浮沈。似水如雲一片心。
兩悉道經三尺劍。一條藜杖七絃琴。
壺中有藥逢人施。腹內新詩遇客吟。

一爵

全唐
作嚼

永添千載壽。一丸丹點一斤金。

又

琴劍酒棊龍鶴虎。逍遙落托永無憂。
閒騎白鹿遊三島。悶借青年看十洲。

碧洞達觀明月上。青山高隱綵雲流。
時人若要還如此。名利浮華即便休。

又二韻
並用

紫極宮中我自知。親磨神劍劍還飛。
先差玉子開南殿。後遣青娥一作龍入紫微。

九鼎黃芽棲瑞鳳。一軀仙骨養靈芝。
蓬萊不是凡人處。只怕愚人泄世機。

又

回身方始出埃塵。造化工夫只在人。
早使亢龍拋地網。豈知白虎出天真。
綿綿有路誰留我。默默忘言自合神。
擊劍夜深歸甚處。披星帶月折麒麟。

又

春盡閒閒過落花。一回舞劍一吁嗟。
常憂白日光陰促。每恨青天道路賒。
本志不求名與利。元心只慕水兼霞。
世間萬種浮沈事。達理誰能似我家。

又
末句
借韻

日爲和解月呼丹。華夏上聲諸侯肉眼看。
仁義異如塵世異。世情難似泰衡難。
八仙煉後鍾神異。四海磨成照膽寒。
笑指不平千萬萬。騎龍撫劍九重闕。

又

別來洛汭音芮六東風。醉眼吟情慵不慵。

擺撼乾坤金劍吼。烹煎日月玉爐紅。
杖搖楚甸三千里。鶴翥秦烟幾萬重。
爲報晉城仙子道。再期春色會稽峰。

又

未煉還丹且煉心。丹成方覺道元深。
每留客有錢沽同酒。誰信君無藥點金。

洞裏風雲一作雷歸掌握。壺中日月在胸襟。

神仙事業人難會。養性長生自意吟。

又

鐵牛耕地種金錢。刻石時童把貫穿。
一粒粟中藏世界。二半一作升音撐內煮山川。

白頭老子眉垂地。碧眼童兒手指天。

若向此中佺會得。此佺佺外更無佺。

又

箕星昂宿下長天。凡景寧教不愕然。

龍出水來鱗甲就。鶴冲天去全唐羽毛全。

塵中教化千人眼。世上難全唐知爾雅篇。

自是凡流福命薄。忍教微妙略輕傳。

又

閒來掉臂入天門。拂袂徐徐撮綵雲。

無語下窺黃谷子。破顏平揖紫霞君。

擬登瑤殿叅金母。回訪瀛洲看日輪。

恰值嫦娥排宴會。瑤漿新熟味氤氳。

又
並四用韻

曾隨劉阮醉桃源。未省人間欠酒錢。
一領布裘權且當。九天回日却歸還。
鳳茸襖子非爲貴。狐白裘裳欲比難。
只此世間無價寶。不憑火裡試燒看。

又

因思往事却成愁。曾讀仙經第十三。
武氏死時應室女。陳王沒後是童男。
兩輪日月從他載。九個山河一擔音擔。

音 躄 盡日無人話消息。一壺春酒且醺酣。

又 第六句韻重

垂袖騰騰傲世塵。葫蘆携却數遊巡。
利名身外終非道。龍虎門前辨取真。

一覺叫音夢魂朝紫府。數年蹤跡隱埃塵。

華陰市內纔相見。不是尋常賣藥人。

又

萬卷仙經三尺琴。劉安聞說是知音。

杖頭春色一壺酒。爐內丹砂萬點金。

悶裏醉眠三路口。閒來遊釣洞庭心。

相逢相遇人誰識。只恐沖天沒處尋。

又

曾戰蚩尤玉座前。六龍高駕振鳴鑾。

如來一作指南車後隨金鼓。黃帝一作皂纛旂旁戴鐵冠。

醉捋盧活切黑鬚三島黯。怒抽霜劍十洲寒。

軒轅世代橫行後。直隱深巖久覓難。

又
並二韻

頭角滄浪聲似鐘。
。 貌如冰雪骨如松。
。 匣中寶劍時頻吼。
。 袖裡金鎚逞露風。
。 會飲酒時爲伴侶。
。 能吟詩句便參同。
。 來朝定赴蓬萊會。
。 騎個猙唐音爭全獐能音九色龍。
。

又

神仙暮入黃金闕。
。 將相門闕白玉京。
。 可是洞中無好景。
。 爲憐天下有衆生。
。 心琴際會閒隨鶴。
。 匣劍時磨待斬鯨。
。 進退兩楹俱未應。
。 憑君與我指前程。
。

又

九鼎烹煎一味砂。
。 自然火候放童花。
。

星辰照出青蓮顆。日月能藏白馬芽。
七返返成生碧霧。九還還就吐紅霞。
有人奪得佗珠餌。三島途中路不賒。

又

星辰聚會入離鄉。日月盈虧助藥王。
三候火燒金鼎寶。五符水煉玉壺漿。
乾坤反覆龍收霧。卯酉相吞虎放光。
入室用機擒捉取。一丸丹點體純陽。

贈人

爐養丹砂鬢不斑。假將名姓全唐住人間。
已逢志士傳神藥。又喜同流動笑顏。
老子道經分付得。少微星許共相攀。

幸蒙上士甘撈音摑。六音處世輸君一個閒。

贈陳處士按神仙鑑

青霄一路少人行。休話興亡事不成。

金榜因何無姓字。玉都必定有仙名。

雲龍大海龍千尺。雪滿長空鶴一聲。

深謝宋朝明聖主。解書丹詔召先生。

哭陳先生第四句借韻

天網恢恢萬象疎。一身親到華山區。

寒雲去後留殘月。春雪來時問太虛。

六洞真人歸紫府。千年鸞鶴老蒼梧。

自從遺却先生後。南北東西少丈夫。

別詩二首並二韻

無心獨坐轉黃庭。不逐時流入利名。
救老只存真一氣。修生長遣百神靈。
朝朝煉液歸瓊壠。夜夜朝元養玉英。
莫笑老人貧裡樂。十年功滿上三清。

又

時人受氣稟陰陽。均體乾坤壽命長。
爲重本宗能壽永。因輕元祖遂淪亡。
三宮自有迴流法。萬物那無運用方。
咫尺崑崙山上玉。幾人知是藥中王。

贈羅浮道士

羅浮道士誰同流。草衣木食輕王侯。
世間甲子管不得。壺裡乾坤得自由。

數著殘棋江月曉。一聲長嘯海山秋。
飲餘回首話歸路。遙指白雲天際頭。

答僧見第四句借韻

三千里外無家客。七百年來雲水身。
行滿蓬萊爲別館。道成瓦礫盡黃金。
待賓榼裡常存酒。化藥爐中別有春。
積德求師何患少。由來天地不私親。

七律二首以下七首新
增首句借韻

從容跨鶴出崑崙。拂盡河山處處塵。
明月當天誰是道。梅花滿眼未知春。
丹成白雪千壺酒。夢破黃梁萬劫身。
收拾乾坤歸袖裏。休勞漁父指迷津。

又

香風縹渺駕仙鸞。手執桃花仔細看。
七澤濤聲驚夜夢。三湘煙樹帶雲寒。
岳陽曾醉何闕酒。員嶠音稱仙豈是丹。
迴首唐虞成往事。滄桑更變話無端。

詩示天基四用韻

念佛虔誠即是丹。念珠八百轉循環。
念成舍利超生死。念結菩提了聖凡。
念意不隨流水去。念心常伴白雲間。
念開妙竅通靈慧。念偈今留與汝參。

雪厓洞和韻四首

清虛古洞傍汀洲。憶昔曾經此地遊。

觀外翠屏千嶂擁。門前玉帶一溪流。
呢梁猶見當年燕。戲浦還浮舊日鷗。
惆悵不堪人事變。獨留野鶴在江頭。

又

城南市口兩江邊。梵閣岿巍別有天。
山靜不聞僧磬響。亭荒幾見佛燈然。
人過柳岸徒懷古。雁度雲關欲叩禪。
寂寞塵寰誰入夢。慇懃注問鶴來年。

又

藥宮金闕碧雲隈。壺裡乾坤妙手開。
翠閣疑從青漢立。朱櫺遙浸曉霞來。
生成海上清虛景。消盡樓中玉笛哀。

莫道紅塵無樂地。此間便是小蓬萊。

又

閒臨流水問仙因。指點羣迷字字真。
道向中和分位育。心從義利辨天人。
雲開聖域依星斗。日近巖扉絕市塵。
識得靈源何處是。茫茫彼岸有通津。

賜齊州李希遇詩

以下五言絕句

少飲欺心酒。休貪不義財。
福因慈善得。禍向巧姦來。

題詩紫極宮

宮門一閒入。臨水憑欄立。
無人知我來。朱頂鶴聲急。

示僧

尋真要識真。見真渾未悟。
一笑再相逢。驅車東平路。

題青城人家門

但患去針心。真銅水換金。
鬢邊無白髮。駉馬去難尋。

呈鍾離雲房以下七言絕句

生日一作儒家遇太平。懸纓重滯布衣輕。

誰能世上爭名利。臣事玉皇歸上清。

謁石守道

高心休擬鳳池遊。朱紱銀章寵已優。
莫一作待禍來名欲滅。林泉養浩一作預爲謀。

爲賈師雄發明古鐵鏡

手內青蛇凌白日。洞中仙果艷長春。
須知物外煙霞客。不是街頭磨鏡人。

題全州道士蔣暉壁

借首韻句

醉舞高歌海上山。天瓢承露結金丹。
夜深鶴透秋光碧。萬里西風一劍寒。

謁王岳州

仙籍班班有姓名。蓬萊倦客呂先生。
凡人肉眼知多少。不及城南老樹精。

宿州天慶觀殿門留贈符離道士二首

借首韻句

秋景蕭條葉亂飛。庭松影裡坐移時。
雲遊鶴駕何方去。仙洞朝元失我期。

又

肘傳丹仙一作篆千年術。口誦黃庭兩卷經。

鶴觀古壇松影裏。悄無人跡戶長扃。

秦州北山觀留詩

石池清水是似一作吾心。剛被桃花影倒沈。

一到封音山宮闕內。銷間澄慮七絃琴。

題永康酒樓

鯨吸鰲吞數百杯。玉山誰起復誰頽。

醒時兩袂天風冷。一朵紅雲海上來。

題廣陵妓屏二首

嫫母西施共此身。可憐老少隔千春。

他年鶴髮雞皮媪。今日玉顏花貌人。

又借首韻

花開花落兩悲歡。
花與人還事一般。
開在枝頭妨客折。
落來地上倩誰看。

書樓雲庵壁

全唐作題東
都妓館壁

一吹鸞笙裂太清。
綠衣童子步虛聲。
玉樓喚醒千年夢。
碧桃枝上金雞鳴。

徽宗齋會

高談闊論若無人。
可惜明君不遇真。
陸下問臣來日事。
請看午未丙丁春。

潭州鶴會

這回相見不無緣。
滿院風光小洞天。
一劍當空又飛去。
洞庭驚起老龍眠。

紹興道會

偶乘青帝出蓬萊。劍戟崢嶸遍九垓。
我在目前人不識。爲留一笠莫沈埋。

贈李德成

九重天子寰中貴。五等諸侯門外尊。
爭似布衣狂醉客。那知性命屬乾坤。

七夕題詩二首

四海孤遊一野人。兩壺霜雪足精神。
坎離二物君收得。龍虎丹行運水銀。

又

野人本是天台客。石橋南畔有舊宅。
父子生來有兩口。多好笙歌不好拍。

令牧童答鍾弱翁

草鋪橫野六七里。笛弄晚風三四聲。
歸來飽飯黃昏後。不脫蓑衣卧月明。

巴陵題壁

腹內嬰兒養已成。且居塵市暫娛情。
無端措大剛饒舌。却入白雲深處行。

贈劍客五首

先生先生貌孿惡。拔劍當空氣雲錯。
連喝三回急急去。歟本音忽作歟然空裏人頭落。

又

劍起星奔萬里誅。風雷時逐雨聲麤。
人頭携處非人在。何事高吟過五湖。

又

麤眉卓豎語如雷。聞說不平便放盃。
仗劍當空千里去。一更別我二更回。

又

先生先生莫外求。道要人傳劍要收。
今日相逢江海畔。一盃村酒勸君休。

又

龐眉鬪豎惡精神。萬里騰空一躡身。
背上匣中三尺劍。爲天且示不平人。

七言絕句二十五首
此詩首句借韻

捉得金精固命基。日魂東畔月華西。
於今煉就長生藥。服了還同天地齊。

又

莫怪瑤池消息稀。
只緣人事隔天機。
若人尋得水中火。
有一黃童上太微。

又
並三韻

混元海底隱生倫。
內有黃童玉帝名。
白虎神符潛姤女。
靈元鎮在七元君。

又

三畝丹田無種聲上種。
種時須藉赤龍耕。
曾將此種聲上教人種。
去聲不解鉛池全唐營治云一道不生。

又

閃灼虎龍神劍飛。
好憑身事莫相違。
傳時須在乾坤力。
便透三清入紫微。

又

不用梯媒向外求。還丹只在體中收。

全唐詩云此首一作張辭詩今按張辭咸

莫言大道人難得。自是功夫不到頭。

通初進士下第遊淮海間有道術後於江南上昇有令欲此其道辭以令方宰劇邑未暇志佗因題詩以開其意詩與此同惟不用作何用心第二句作長生只合

又

飲酒須教一百杯。東浮西泛自梯媒。

日精自與月華合。有個明珠走上來。

又

不負三光不負人。不欺神道不欺貧。

有人問我修行法。只種心田養自身。

又

時人若擬去瀛洲。先過巍巍十八樓。
自有電雷聲震動。一池金水向東流。

又

瓶子如今玉子黃。上升下降續神光。
三元一會經年淨。這個天中日月長。

又 第二句
借韻

學道須教徹骨貧。囊中只有五三文。
有人問我修行法。遙指天邊日月輪。

又

我自忘心神自悅。跨水穿雲來相謁。
不問黃芽肘後方。妙道通微怎生說。

又

獨上高峰望八都。黑雲散後月還孤。
茫茫宇宙人無數。幾個男兒是丈夫。

又
借首韻句

天下都遊半日功。不須跨鳳與乘龍。
偶因博戲飛神劍。摧却終南第一峰。

又

趯狄音倒葫蘆掉却琴。倒行直上卧牛岑。
本飛石上迸如雪。立地看天坐地吟。

又

吾今本住在天齊。零落白雲鑱石梯。
來往八千消半日。依前歸路不曾迷。

又

蓮峰道士高且潔。不下蓮宮經歲月。
星辰夜禮玉簪寒。龍虎曉開金鼎熱。

又

東山東畔忽相逢。握手丁寧語似鐘。
劍術已成君把去。有蛟龍處斬蛟龍。

又

朝泛蒼梧暮却還。洞中日月我爲天。
匣中寶劍時時吼。不遇同人誓不傳。

又

偃巖拍手葫蘆舞。過嶺穿雲拄杖飛。
來往八千須半日。金州南畔有松扉。

又
借首韻句

養得兒形似我形。我身枯悴子光精。
生生世世常如此。爭似留神養自身。

又

精養靈根氣養神。此真之外更無真。
神仙不肯分明說。迷了千千萬萬人。

又

不事王侯不種田。日高猶自抱琴眠。
起來旋點黃金買。不使人間作業錢。

又

天涯海角人求我。行到天涯不見人。
忠孝義慈行方便。不須求我自然真。

又

莫道幽人一事無。閒中儘有靜工夫。
閉門清晝讀書罷。掃地焚香到日晡。

贈曹先生

鶴不西飛龍不行。露乾雲破洞簫清。
少年仙子說閒事。遙隔綵雲聞笑聲。

海上相逢趙同

南宮水火吾須濟。北闕夫妻我自媒。
洞裏龍兒嬌鬱律。山前童子喜徘徊。

題鳳翔府天慶觀

得道年來八百秋。不曾飛劍取人頭。
玉皇未有天符至。且貨烏金混世流。

劍畫此詩於襄陽雪中

原註第一二句喻不
曾遇

峴山一夜玉龍寒。鳳林千樹梨花老。
襄陽城裏沒人知。襄陽城外江山好。

洞庭湖君山頌

午夜君山翫月回。西隣小圃碧蓮開。
天香風露蒼華冷。雲在青霄鶴未來。

宋朝張天覺爲相之日。有襪褸道人及門求施。公不知
禮敬。因戲問道人。有何仙術。答以能捏土爲香。
公請試爲之。須臾烟罷。道人不見。但留詩於案上
云。

捏土爲香事有因。世間宜假不宜真。
皇朝宰相張天覺。天下雲遊呂洞賓。

閒題

獨自行來獨自坐。無限世人不識我。
惟有城南老樹精。分明知我全唐神仙過。
後人因此柳樹遂
疑柳仙爲此柳樹
誤精者矣

山隱

松枯石老水滌迴。個裏難教俗客來。
擡眼試看山外景。紛紛風急障黃埃。

絕句三首

息精息氣養精神。精養丹田氣養身。
有人學得這般術。便是長生不死人。

又

斗笠爲帆扇作舟。五湖四海任遨遊。
大千世界須臾至。石爛松枯經幾秋。

又

或為道士或為僧。混俗和光別有能。

苦海翻成天上路。昆盧常點全唐詩作照百千燈。

與潭州智度寺慧覺詩并序一作叅智度覺呈絕句

余遊韶郴。東下湘江。今見覺公。觀其禪學精明

。性源淳潔。促膝靜坐。收光內照。一衲之外無

餘衣。一鉢之外無餘食。達生死岸。破煩惱殼。

方今佛衣寂寂兮無傳。禪理懸懸兮幾絕。扶而興

者。其在吾師乎。

達者推心兼方一作濟物。聖賢傳法不離真。

請師開說西來意。七祖如今未有人。按達摩有自然成一花開五

本只到六祖止今以七
祖本期覺公望之深也

參黃龍機悟後呈偈此偈道書全集未

棄却瓢囊音撼碎琴。如今不戀水中金。

自從一見黃龍後。始覺從前錯用心。如今不戀神仙鑑作

附凡流
着意尋

熙寧元年八月十九日。過湖州東林沈山。用石榴皮

。寫絕句於壁。自號回道人。一作題沈

西鄰已富憂不足。東老雖貧樂有餘。

白酒釀來因好客。黃金散盡為收書。

遊廬山鐘樓遠眺題見神仙鑑第

一日清閒一日仙。六神和合報平安。

丹田有寶休尋道。對境無心莫問禪。

題悟真西江月第十一闋二首見婆心韻集

水火釀成萬古人。金雞玉兔兩分明。
從來好事惟陰德。默默虛空最認真。

又
並二韻

此處全憑大段神。星橋駕處有真金。
陰功二字踵心息。萬聖工夫盡付君。

秋過在園
以下四首新增

水雲遊遍乾坤小。落花開人易老。
閒來飛過洞庭秋。鐵笛一聲天澹掃。

示李笠翁

聞說陰陽有二天。詩魔除去是神仙。
相期若肯歸靈窟。命汝金門執玉鞭。

又

瀟洒文心慧自通。無端筆下起長虹。
波平雲散停毫處。萬里秋江一笠翁。

示顧吳三子

三生石畔殷殷望。太白亭前款款行。
春色不知何處去。空餘皓首說幽情。

六言詩

以下
雜體

春暖羣花半開。逍遙石上徘徊。
閒踏青莎碧苔。古洞眠來九載。
逢人莫話他事。笑指白雲去來。
獨携玉律丹訣。
流霞飲幾千杯。

題僧房絕句

唐朝進士。今日神仙。
足躡紫霧。却返洞天。

勸世

一毫之善。與人方便。一毫之惡。勸君莫作。
衣食隨緣。自然快樂。算是甚命。問什麼卜。
欺人是禍。饒人是福。天眼昭昭。報應甚速。
諦聽吾言。神欽鬼伏。

長短句

落魄且落魄。音落托夜宿鄉村。朝遊城郭。閒來無事

玩青山。困來街市貨丹藥。賣得錢不算度。酤美酒自斟
酌。醉後吟哦動鬼神。任意日頭向西落。

梁山碑記佺牝歌題一聯

美哉三十六。遠勝五千言。

景福寺題一聯

莫道神仙無學處。古今多少上昇人。

卷
四
終